

Sisi u wana khonani ntswa



Zwothe zwo no dzheniswa lorini,
vha khou pfulutshela kha inwe
nndu kha inwe dorobo, hune Sisi
a tea u thoma tshikoloni tshiswa.


"Vha vhona u nga ndi do wana
khonani ntswa?" Sisi u vhudzisa
mme awe.



Nga ḫuvha ḫawe ḫa u thoma afha tshikoloni tshiswa, Sisi o vha e na nyofho dza uri ha nga wani khonani ntswa.

"A thi ḫivhi muthu," ndi ene a tshi elekanya. "Ndi ḫo zwi kona u humbelu muñwe muthu uri a vhe khonani yanga?"

A mbo ṫat̄aisa mme awe a ri. "Ndi zwone Mma, ndi tou ri ngavhe ndi sa ṫwi ndi ndothé."



Sisi a dzhena kilasini yawe ntswa ya Gireidi ya 2. Sisi u khou pfa e na nowa gudu nahone mbilu yawe i tshi sokou: guu, guu, guu.

O vha o ambara yunifomo ntswa, e na bugu ntswa na mudededzi ndi muswa. A ya a dzula desikeni, tsini na muñwe mutukana a no pfi Ndamulelo. Ndamulelo u na miñwaha ya 7.

"Kana Ndamulelo u do vha khonani yanga wee?" U a divhudzisa.



Tsimbi ya bureiki ya lila, Ndamulelo a
bva nga u gidima a tshi ya u tamba.
O vha o no wana khonani kale.

Sisi wa vhathu a sokou ima a tshi
khou tama vhañwe vhana vha tshi
khou tamba. O vha a tshi tama u
tamba navho fhedzi e na thoni dza
u ya khavho. A hu na ane a khou mu
vhona o ima ngauralo e ethe.

"Ndi tou tama arali ndi tshi nga
tambavho," a elekanya.
"A thi na wanga."

Ndi tou tama arali ndi
tshi nga tambavho.



Nga matshelo, nga bureiki, Sisi
a vhona Mandu o dzula e et̄he
nahone o t̄ungufhala nga maanda.

Mandu o vha o t̄ungufhala ngauri
o hangwa u da na tshikhafuthini
tsha zwiliwa zwawe zwa
tshiswitu. Zwino o farwa nga
ndala khulu. U khou tongolela musi
Jim na Ntakadzeni vha tshi khou
la zwiliwa zwavho.

“Ngavhe ndi vhe ndi na zwa u la,”
ndi ene a tshi tou hevhedza.



Sisi a zwi vhona uri Mandu o
tungufhala vhukuma.

"Ho tshinyala mini, Mandu?"

Hu vhudzisa Sisi. "No hangwa
tshiswiṭulo hayani?"

"Ee," hu fhindula Mandu, "zwino ndi
na ndala khulusa."

"Ni so ngo vhilahela, zwanu Mandu,"
Sisi u ralo.

"Ri do la zwanga ri vhavhili."



Sisi a kovhekana zwiliwa na Mandu.

"Mmm!" hu amba Mandu.

"Sangwetshi iyi i a tsa!"

"Ndo livhuhesa, Sisi. Ndi livhuha u londa hanu vhanwe," ndi Mandu a no ralo.

Sisi o wana khonani ntswa!




Nndinde ya pfa yo takala
vhukuma musi Sisi o wana khonani
ntswa. Ya huvha na u dzungudza
mutshila.

"Huu! Huu!" i tshi huvha.

Vhana vha da vha tshi gidima
uri vha vhone tshine Nndinde ya
khou huvha.

"Hee Sisi!" vha a vhidzelela, "idani
ngeno ri tambe."



A diphina nga u ya tshikoloni
tshiswa. A diphina nga u tamba
na khonani dzawe ntswa.

Upfulutshela tshikoloni tshiswa
wa si vhe muhwalo na luthihi.

Vhukonani a hu kondi arali u na
vhuthu na ndondavhañwe.



U vhumba vhukonani



Tshiñwe tshifhinga zwi a konda u wana khonani ntswa. Ni tea u ita mini?



😊 Kha hu vhe inwi ane na thoma vhukonani. Didivhadzeni kha vhañwe.



😊 Didzheniseni kha nyito dza musi tshikolo tsho no bva.





Ivhani na vhutanzi uri ni na vhudele.



Elelwani madzina
a vhatzu.

Ivhani na
vhulenda.

Ni so ngo dzima.



Musi no no wana khonani ntswa,
fulufhedzeani, ambanu ngoho, nahone ivhani
na vhulenda.



Nyito dza u vhala nga zwigwada.



1

Lavhelesani zwifanyiso. Talutshedzani khonani yanu uri hu khou bvelela mini tshifanyisoni tshiñwe na tshiñwe. Vhudzani khonani yanu uri ndi tshifanyiso tshifhio tshine tsha tea u vha tsha u thoma, tsha vhuvhili na tsha vhuraru.

Shumisani zwifanyiso izwi uri zwi ni thuse u anetshela khonani yanu tshitiori hafhu.



2


Dubekanyani mafhungo a tevhelaho nga thevhekano yone ni kone u a vhalela khonani yanu.

a.	A <u>ta</u> taisa mme awe.
b.	Sisi u kovhekana zwiliwa zwa tshiswitu <u>lo</u> na Mandu.
c.	Sisi u dzula na Ndamulelo.
d.	Mandu u na <u>nd</u> ala khulu.
e.	Namusi Sisi u pfulutshela <u>nd</u> uni ntswa.



3

Itani litambwa la tshitori itshi.



4

Fhedzisani iyi nyito.

- a. Nwalani maipfi mavhili a inwi mune a re na mutevhetsindo na:

tea	wanga	ima	ene
-----	-------	-----	-----

- b. Neani vhunzhi ha maipfi aya:

muri	saga	lito	hatsi	lusunzi
bugu	rwana	muthu	libu	tshisu <u>su</u>

- c. Tshitorini itshi wanani maipfi a re na mibvumo i tevhelaho ni a nwale:

tsh-	vh-	zw-	dz-
------	-----	-----	-----

- d. Tshitorini itshi wanani mafhungo a re na zwiga zwa u vhala zwi tevhelaho ni a nwale:



5

Ambani nga tshitori.


- Thoho ya tshitori ndi ifhio?
- Vhaanewa vhahulwane tshitorini ndi vhonnyi?
- Ndi nga mini Sisi o pfulutshela tshikoloni tshiswa?
- Zwi amba mini uri "Sisi u khou pfa e na nowa gudu."
- No no vhuya na pfa no farwa nga nowa gudu?

- f. Ni vhona u nga ndi nga mini Sisi o vha a tshi khou shona u humbelo vhaīwe vhana uri a tambe navho?
- g. Nndinde yo ita mini uri i thuse Sisi?
- h. Ri zwi dīvha nga mini uri Mandu o vha e khanani vhukuma ya Sisi?
- i. Ndi zwifhio zwine na lavhelela kha khonani vhukuma?
- j. Inwi ni vhona u nga tshītori itsī tshī nga vha na kūwe kufhelele kufhio?
- k. Ndi mbudziso ifhio ine na tama u vhudzisa mudededzi wanu malugana na itsī tshītori?



6

Olani mepe wa mihibulo buguni yanu ya ndowedzo ni u fhedzise.



7

Ńwalani tshītori itsī nga mitaladzi i no swika ya rathi. Olani tshifanyiso tshī no edza tshītori tshanu.